



Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy, Displaced
Persons and Refugees

OTPREMLJENO

08-08-2019

potpi

Broj: 13-04/2-02-30341/19
Sarajevo, 07.08.2019.godine

Na osnovu člana 76. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14 – Prečišćeni tekst, 38/16, 44/17 i 28/18), Ministarstvo za rad, socijalnu politiku, raseljena lica i izbjeglice Kantona Sarajevo, donosi

ODLUKU
O DAVANJU SAGLASNOSTI NA PRAVILNIK O IZMJENAMA I DOPUNAMA PRAVILNIKA O
RADU KANTONALNE JAVNE USTANOVE "DOM ZA SOCIJALNO ZDRAVSTVENO
ZBRINJAVANJE OSOBA SA INVALIDITETOM I DRUGIH OSOBA "

I

Daje se saglasnost na Pravilnik o izmjenama i dopunama Pravilnika o radu radu Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba" broj: 26-1197/19 od 02.08.2019. godine, koji je Upravni odbor ove ustanove donio Odlukom broj: 26-1197-1/19 od 02.08.2019. godine.

II

Ova odluka stupa na snagu danom donošenja.

Pripremila: Aldina Šantić, viši stručni saradnik
Kontrolisao: Nuriya Hodžić, pomoćnik ministra

Belma Trajkov, sekretarka Ministarstva

MINISTAR

Malik Garibića

Dostaviti:

1. Kantonalna javna ustanova "Dom za socijalno zdravstveno zbrinjavanje osoba sa invaliditetom i drugih osoba"
Ul. Nahorevska br. 195, 71000 Sarajevo
2. Direktor
3. Upravnom odboru
4. Nadzornom odboru
5. Ministar

6/a/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



Quality management system
ISO 9001
• Customer focus
• Customer satisfaction
• Continuous improvement
• Supply chain management
IU 15 100 53655



KANTONALNA JAVNA USTANOVA
"DOM ZA SOCIJALNO ZDRAVSTVENO ZBRINJAVANJE
OSOBA SA INVALIDITETOM I DRUGIH OSOBA"
SARAJEVO, Nahorevska 195

Pravilnik
o izmjenama i dopunama Pravilnika o radu Kantonalne javne ustanove "Dom
za socijalno zdravstveno zbrinjavanje osoba sa invaliditetom i drugih osoba"

Sarajevo, august 2019.godine

web: <http://kjudom.ba>
e-mail: info@kjudom.ba
tel: +387 (0) 33 250- 820; fax: +387 (0) 33 250-821
Sarajevo, Nahorevska 195

Na osnovu člana 118. stav 1. Zakona o radu Federacije BiH („Službene novine FBiH“, broj 26/16 i 89/18), te člana 27. stav 1. alineja 6. Zakona o ustanovama („Službeni list R BiH“, br. 6/92, 8/93 i 13/94), Upravni odbor Kantonalne javne ustanove „Dom za socijalno zdravstveno zbrinjavanje osoba sa invaliditetom i drugih osoba“ je nakon prethodne konsultacije sa Sindikalnom organizacijom Ustanove, na sjednici održanoj dana 02.08.2019. godine, donio

P R A V I L N I K
o izmjenama i dopunama Pravilnika o radu
Kantonalne javne ustanove "Dom za socijalno zdravstveno zbrinjavanje osoba sa
invaliditetom i drugih osoba"

Član 1.

U Pravilniku o radu Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba" broj: 25-248/18 od 26.02.2018. godine, u članu 5. stav (1), na kraju rečenice iza riječi „pravo“ dodaju se riječi „osim ako to Zakonom o radu nije izričito zabranjeno.“

Član 2.

Iza člana 9., dodaje se član 9a. koji glasi:

„Član 9a.

Radni odnos zasniva se zaključivanjem ugovora o radu, a nakon provedene obavezne procedure prijema u radni odnos propisane Uredbom Vlade Kantona Sarajevo o postupku prijema u radni odnos u zavodima, agencijama, direkcijama i upravnim organizacijama, pravnim licima sa javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50% ukupnog kapitala.

Član 3.

Član 11. mijenja se i glasi „Dom je dužan radniku uz pismeni dokaz dostaviti fotokopije prijave na obavezno osiguranje odmah na početku rada, kao i svake promjene osiguranja koja se tiče radnika“.

Član 4.

U članu 40. stav (2) dodaje se nova rečenica koja glasi: “Izuzetno godišnji odmor može da traje i duže od 30 radnih dana, ukoliko je to uređeno kolektivnim ugovorom, a prema prirodi posla i uslovima rada”.

Član 5.

U članu 83. tačke c. i d., mijenju se i glase:

- „ c. kad radnik navrši 65 godina života i 15 godina staža osiguranja, ako se Dom i radnik drugačije ne dogovore;
- d. kad radnik navrši 40 godina staža osiguranja, bez obzira na godine života, ako se Dom i radnik drugačije ne dogovore”.

Član 6.

U članu 99. stav (1), riječ „može“, zamjenjuje se riječima „dužan je“.

U stavu (4), riječi: „osim u slučaju ako radnik tužbom zahtijeva naknadu štete ili drugo novčano potraživanje iz radnog odnosa”, zamjenjuje se riječima: “osim u slučaju otkaza ugovora o radu, u skladu sa ovim Pravilnikom i Zakonom o radu”.

Član 7.

U članu 107., u tabeli, uslovi za radno mjesto direktor, alineja 3. mijenja se i glasi:

- “Da ima najmanje pet godina radnog staža od čega najmanje tri godine na rukovodećim poslovima”

Alineja 7. mijenja se i glasi:

- “Da ima stručnu spremu iz oblasti društvenih nauka.”

Član 8.

Na ovaj Pravilnik saglasnost daje Ministarstvo za rad, socijalnu politiku, raseljena lica i izbjeglice Kantona Sarajevo.

Po dobijanju saglasnosti iz stava 1. ovog člana, Pravilnik stupa na snagu osmog dana od dana objave na oglasnoj ploči.

Broj: 26-1197/19

Datum: 02.08.2019.



**Predsjednica
Upravnog odbora**

Adisa Buljubašić, dipl.ecc

OBRAZLOŽENJE

Pravilnika

o izmjenama i dopunama Pravilnika o radu Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba" broj 26-1197/19 od 02.08.2019.godine

I – PRAVNI OSNOV

Pravni osnov za donošenje Pravilnika o izmjenama i dopunama Pravilnika o radu Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba" broj 26-1197/19 od 02.08.2019.godine je Zakon o radu Federacije BiH („Službene novine FBiH“, broj 26/16 i 89/18), shodno čemu su u skladu sa članom 27. stav 1. alineja 6. Zakona o ustanovama („Službeni list RBiH“, br. 6/92, 8/93 i 13/94), sačinjene navedene izmjene i dopune.

II – RAZLOZI ZA DONOŠENJE

Osnovni razlog donošenja Pravilnika o izmjenama i dopunama Pravilnika o radu Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba" broj 26-1197/19 od 02.08.2019.godine jeste usklađivanje općih akata Ustanove sa Zakonom o radu Federacije BiH („Službene novine FBiH“, broj 26/16 i 89/18) obzirom da isti sadrži niz izmjena i dopuna koje je neophodno uskladiti sa općim aktima Doma a u cilju ispunjenja te obaveze sačinjenje su izmjene i dopune pomenutog Pravilnika.

III – PRIJEDLOZI PRAVNIH RJEŠENJA

Član 1. Propisuje da se za neko pravo iz radnog odnosa različito uređeno zakonom, kolektivnim ugovorom Pravilnikom o radu Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba" ili ugovorom o radu, primjenjuje se za radnika najpovoljnije pravo osim ako to Zakonom o radu nije izričito zabranjeno.

Član 2. Propisuje da se radni odnos zasniva zaključivanjem ugovora o radu, a nakon provedene obavezne procedure prijema u radni odnos propisane Uredbom Vlade Kantona Sarajevo o postupku prijema u radni odnos u zavodima, agencijama, direkcijama i upravnim organizacijama, pravnim licima sa javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50% ukupnog kapitala.

Član 3. Propisuje da je Dom dužan radniku uz pismeni dokaz dostaviti fotokopiju prijave na obavezno osiguranje odmah na početku rada kao i prilikom svake promjene koja se tiče radnika.

Član 4. Propisuje da izuzetno godišnji odmor može trajati i duže od 30 radnih dana, ukoliko je to uređeno kolektivnim ugovorom, a prema prirodi posla i uslovima rada.

Član 5. Propisuje da ugovor o radu pored ostalih načina prestaje kada radnik navrši 65 godina života i 15 godina staža osiguranja, ako se Dom i kada radnik drugačije ne dogovore i kada radnik navrši 40 godina staža osiguranja, bez obzira na godine života, ako se Dom i radnik drugačije ne dogovore.

Član 6. Propisuje da je radnik koji smatra da mu je odlukom, rješenjem ili drugim aktom direktora povrijeđeno neko njegovo pravo iz radnog odnosa dužan u roku od 30 dana od dana dostave tog akta kojim je povrijeđeno njegovo pravo, odnosno od dana saznanja za povredu prava iz radnog odnosa podnijeti zahtjev za zaštitu prava Upravnom odboru radi ostavriavanja tog prava. Te da se zaštita povrijeđenog prava pred nadležnim sudom može zahtijevati samo ukoliko je radnik prethodno podnio zahtjev za zaštitu prava Upravnom odboru osim u slučaju otkaza zgovora o radu, u skladu sa Pravilnikom o radu Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba" i Zakonom o radu.

Član 7. Propisuje da se mijenjaju uslovi za radno mjesto direktor na način da je potrebno da isti ima namjanje pet godina radnog staža od čega najmanje tri godine na rukovodećim poslovima te da je potrebno da ima stručnu spremu iz oblasti društvenih nauka.

Član 8. Propisuje da na Pravilnik o izmjenama i dopunama Pravilnika o radu Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba" broj 26-1197/19 od 02.08.2019.godine saglasnost daje Ministarstvo za rad, socijalnu politiku raseljena lica i izbjeglice Kantona Sarajevo a da po dobijanju iste Pravilnik stupa na snagu osmog dana od dana objave na oglasnoj ploči.

IV – FINANSIJSKA SREDSTVA

Donošenje i provedba Pravilnika o izmjenama i dopunama Pravilnika o radu Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba" ne zahtjeva obezbjeđenje dodatanih finansijskih sredstava.



KANTONALNA JAVNA USTANOVA
"DOM ZA SOCIJALNO ZDRAVSTVENO ZBRINJAVANJE
OSOBA SA INVALIDITETOM I DRUGIH OSOBA"
SARAJEVO, Nahorevska 195

Broj: 26-1197-1/19

Datum: 02.08.2019.godine

Na osnovu člana 27. stav 1. alineja 6. Zakona o ustanovama („Službeni list R BiH“, broj: 6/92, 8/93 i 13/94), člana 22. Pravila KJU "Dom za socijalno zdravstveno osoba sa invaliditetom i drugih osoba" broj: 25-895/18 od 17.05.2018. godine, Upravni odbor KJU "Doma za socijalno zdravstveno zbrinjavanje osoba sa invaliditetom i drugih osoba", na sjednici održanoj dana 02.08.2019. godine donio je sljedeću :

ODLUKU

I

Donosi se Pravilnik o izmjenama i dopunama Pravilnika o radu Kantonalne javne ustanove "Dom za socijalno zdravstveno zbrinjavanje osoba sa invaliditetom i drugih osoba" broj 26-1197/19 od 02.08.2019. godine.

II

Na Pravilnik iz tačke I saglasnost daje Ministarstvo za rad, socijalnu politiku, raseljena lica i izbjeglice Kantona Sarajevo a po dobijanju iste Pravilnik stupa na snagu osmog dana od dana objave na oglasnoj ploči.



Predsjednica Upravnog odbora

Adisa Buljubašić dipl.ecc

Dostaviti:

- ☒ Ministarstvu za rad, socijalnu politiku, raseljena lica i izbjeglice KS
- a/a UO,
- a/a